



68054

宋學士全集附錄目錄

卷二

贊

翰林學士宋公贊

陶凱

又

林溫

又

貝瓊

又

朱廉

又

曾士昂

又

錢宰

卷二

宋學士全集附錄目錄

一

退補齋藏板

又

無名氏

又

蘇伯衡

又

無名氏

又

林靜

又

王禕

又

胡翰

又

留睿

又

徐元

又

屠性



又

戴良

又

趙良恭

又

鄭濤

又

吳沈

又

許元

又

彭來復
詔

潛溪先生像贊

二首

方孝孺

記

宋氏爲善堂記

方孝孺

卷二

宋學士集附錄目錄

二

退補齋藏板

宋氏世譜記

胡助

書宋氏世譜後

王禕

宋氏世譜序

方孝孺

宋潛溪先生祠堂記

戚雄

宋學士祠堂記

姜良翰

浦江宋先生祠堂碑

薛應旂

移文

浦江縣申建宋學士祠移文

韓叔陽

傳

宋太史傳

王禕

宋潛溪先生小傳

鄭濤

行狀

翰林學士潛溪宋先生行狀

鄭楷

雜文

送宋景濂入仙華山爲道士序

戴良

謝太史公

方孝孺

祭文

黃溥

又

陳璉

卷二

宋學士集附錄目錄

三

退補齋藏板

祭太史公

八首

方孝孺

翰林學士宋公改葬祭文

無名氏

翰林學士宋公祠堂祭文

無名氏

翰林學士宋公改葬墓誌

潘璋

重闢宋文憲公藏地碑

熊人森

宋學士全集附錄卷二

郡後學胡鳳丹月樵校梓

贊

翰林學士宋公贊

天台陶凱

粹若春溫運藻思以凝神澹若秋雲儼豐儀之出塵
近而視之若淵魚之潛鱗遠而望之若天馬之逸羣
故能追先哲之軌範勤往聖之典墳理深明夫蘊奧
學允究於天人士爭趨而問業人盡慕於卜隣采中
林之蘭蕙列清朝之縉紳載筆直書於信史吐辭制
作於雄文時鋪張於盛美用黼黻於絲綸是以進講
內廷入謁楓宸侍宴每迎於朝旭前席屢至於夜分
職兼贊善道佐聖君身不移於素操志確守其眞寘
巢阿閣之彩鳳毓郊藪之祥麟此所以振聲猷於宗
社垂德澤於子孫者歟

又

永嘉林溫

神完而氣克業精而德崇涵泳乎詩書之澤從容乎
禮法之中其際遇也雖無驅馳汗馬之勞其製作也
則有黼黻皇猷之功故誦其文者慕之如祥麟威鳳

卷二

宋學士集附錄

一

長補齋
藏板

被其教者挹之如霽月光風撓之而不濁扣之而不窮蓋其積之也厚故其用之也豐噫此所以爲大雅之君子而當代之儒宗也歎

又

橋李貝環

落落昂霄之霜木温温宗廟之文玉也才既全而闕然不形學已至而歉然不足也及遇時顯融出入金門而夷曠從容不異於林谷也宜介者化之而裕悍者遇之而服也人固莫窺其淺深是蓋齊得失而不驚乎寵辱也

卷二

宋學士集附錄

二

退補齋藏板

又

烏傷朱廉

該貫羣經融釋百氏董生消正昌黎雄偉泰和之運明兩之間進敷帝典退演王言文傳遠邦功在後世奎壁當天江河行地

又

臨江曾士勗

貌温而氣和粹然君子之像學充而文高蔚然當世之望有山林巖壑之姿居金馬玉堂之上斯人也其不以富貴自榮而以道德相尙者耶

又

臨安錢宰

氣之和也佩玉其鏘文之爛也雲漢其章是宜接武
夔龍齊驅班馬煥乎金匱石室之光

又

無名氏

恂恂其仁溫溫其恭純乎道體粹然德容學貫天人
才邁今古當代宗師後賢儀渠

翰林學士宋公贊

金華 蘇伯衡

伯衡歸自京師就見承旨先生於蘿山獲見其小
像謹述贊辭非敢曰美盛德之形容聊附姓名於
羣賢之末云爾贊曰

卷二

宋學士集附錄

三

退補齋
藏板

挺然命世之雄展也間氣所鍾在躬皆清明之積生
色惟仁義之融絕學繼乎千古之上卓識出乎萬人
之中早年傑然逍遙於丘壑識者推爲文章之鉅公
顧夙夜俛乎其進修而意氣欲乎其謙沖逮進逢於
昌運遂深簡於淵衷信夫相親猶魚之有水豈惟際
會若雲之從龍始終一誠必責難而陳善出入兩宮
斯言行而計從恇恇焉爲國育材休休焉樂善有容
凡入官之俊秀多及門之冠童典司筆削足以彰善
殫惡敷爲制述足以昭德表功固由其言之立而道

之崇歸休山林華夏仰其風采不奉朝請政事資其
彌縫蓋可見輿望之屬而宸眷之隆此所以集斯文
之福祉聳鄉邦之文獻爲一代之儒宗也

又

無名氏

昭皇猷煥天章文之祥御太和扶綱常道之昌何德
容之温温而神氣之揚揚於戲此豈非掌制乎玉堂
而壽斯文於靈長者乎

翰林學士宋公贊

并序

門人
吳興林

靜

天付斯文於人也豈偶然哉必有不合而同

卷二

宋學士集附錄

四

退補齋
藏板

不期而至者故吾夫子與朱子生同庚戌今

潛溪先生宋公之生又於是歲人謂聖賢之

出鍾靈降秀爲世禎祥天之所畀信乎其不

偶也周室既衰先王之道如日斯晦微夫子

六經孰正人道孰明是大有功於萬世者也

時降道汙寥寥千有餘年乃能集其成會其

要得吾夫子之指歸者其惟朱子乎公乘文

明之運贊一代之治以其餘力使學者復古

屏棄科第之趨一闡於理義之學其功不在

朱子下海宇之內一人而已耳然則夫子之道被於萬世當時仕止乎魯朱子在宋號爲尚文之國立朝僅四十日終厄僞學而公得君行道者甚久澤能加於人文可垂於世光明峻大照耀無窮豈天之付公者獨厚公之報乎天者亦將未艾也公年六十八卽謝政天子數留止公公固辭曰天道惡盈人道止足辭意識款上知不可強乃止益見公進退從容皆合乎道宜其居爲儒宗出爲勳德以

卷二

宋學士集附錄

五

退補齋藏板

文華國以道佐命實有系於斯文之重輕矣世之論公者徒以文學際遇爲事至公之得乎天而契乎聖賢者又烏能窺其端倪也哉靜也不敏游公之門頗久四方之士爭欲誦其言識其人有不可得因寫公像刻而傳之非惟表公之德業亦且以見我朝之有人也謹敘而贊曰

天開明廷實生儒英光儲岳降維戍在庚爚爚其氣濯濯其精昔潛今顯爲國之禎明珠在川美玉在山

公貌之清風行雨潤蘭含芝蘊公德之馨如鳳之鳴
如龍之騰如雲之變如霆之轟公文之宏豈惟三者
以聖爲程乃補衮職乃持文衡天子曰都汝執汝經
往導胄子夔職是膺公拜稽首揚言於庭九卿百辟
尙其典刑九域八蠻慕其光聲勛垂竹帛貌寫丹青
公告天子乞我頽齡亦有子孫嗣我簪纓公歸自朝
詞林之榮懸車講學矜佩日盈回視河汾厥澤弗稱
我從公游春服旣成山阿水涯載止載興毫分縷析
物無遁形思我道義樂我性情我贊公像德不可名

卷二

宋學士集附錄

六

退補齋
藏板

天高地深令聞永貞洪武十二年七月初一日

又

烏傷王禕

外和而神融內充而面晬衣冠雖晉人之風氣象實
宋儒之懿夫其知言以窮天下之理養氣以任天下
之事隱則如虎豹之在山出則類鳳麟之瑞世後乎
千載而有存中乎兩間而無媿此蓋古君子之所難
然吾謂斯人之必至

又

金華

胡翰

神若天游色如春熙浮游一世之間發揮千載之奇

人皆推其才美而易嘗見其柱德之機也邪

又

青田留睿

有粹其容心廣而體充有碩其學一時之所宗曷不置於館閣之上乃俾其傲兀山林之中將尚友乎當世非斯人吾將適從

又

蘭溪徐三元

德之盛者貌必充積之厚者用必豐觀其雄偉俊逸之氣恢博宏大之學豈幅巾短褐久處於山林之中鄉之先達凋謝無幾繼後而光前者眾咸推仰於公

卷二

宋學士集附錄

七

退補齋藏板

異日攄經濟之蘊垂蓋世之功寫圖於麒麟凌烟之上吾有望於英風

又

會稽屠性

不頡而長何氣之昌不露而揚何言之章空谷白駒玉堂金馬豈無伊人風斯在下

又

浦江戴良

以公爲優於德耶則其才學之卓然者固以披豁乎心胸也以公爲優於才耶則其德行之粹然者固以洋溢乎容也以公爲才德之兩優耶則其所以自處

者又皆不有於其躬也夫德者乃才之所資以發而才者乃德之所賴以充也二者皆公之所有而謂公之自有其有者曾不足以知公者也嗚呼若公者其始有若無實若虛以慕夫顏子之遺風者乎

又

蘭溪 趙良恭

澄不清撓不濁涵天和闡聖學用之弘施物博藏之固守道確淑後進推先覺珠媚淵玉完璞輝日星耀山岳偉德容敦涼薄

又

浦江 鄭 濤

卷二

宋學士集附錄

八

退補齋 藏板

辭章不足以載道則詆為淫言解詁不足以明經則斥為瞽語蓋深懲於流俗之所溺而有志於沂泗之餘緒所以金玉道德浮雲富貴不為外物之所遷惟知天命之可畏獨處一壑之間思通千古之祕此可謂抱遺經以自信不以窮達而有異者也

又

蘭溪 吳 沈

天地之間文為至異自人生以來不知其幾千萬億之多而惟文章之士則可得而數計蓋其奪元氣之精華發鬼神之幽祕故造物者每靳之而不生而既

生之則必栽培以成器有美君子局度凝邃才高而行則能謙志豪而學則甚粹接諸公之踵武會羣言之原委蕃於胸臆者浩乎江流之深舒爲辭章者粲如春葩之麗信真宰之鍾奇俾文脉之有繫處山林而著書登玉堂而掌制雖隱顯之不可必而在在我者可以無媿惟嘗知之真者慕之深彼求之於丹青之肖似者誠不足以窺其中之所至也

又

金華許元

氣充以完貌端而和蓋其積於中者日以益厚故其

卷二

宋學士集附錄

九

退補齋藏板

發乎外者粹然而無頗知方進而未已撫年壽之尚多寧勇謝乎簪裾而終冥情於薜蘿瞰潛溪之汙汙仰長山之峨峨每培高而浚深曾遑恤乎其他

翰林學士宋公贊

并序

豫章來復

古之君子以文明道登名於詞苑者千有餘家其能卓然爲天下後世所師宗者不數人

焉自三代以降若太史公特起於漢韓昌黎

獨拔於唐歐陽文忠公勃興於宋虞文靖公

傑出於元其統宗會要卓爲大家此蓋公論

之不可掩者也迨我皇朝混一海宇文運肇興光嶽之氣彌綸盛大凡其所制作振耀前古然於其間操觚執翰煥焉獨當於文衡者則景濂其人也公金華大族生質粹美博通經史百家至於釋老之書無不研味而探賾焉故其發爲文詞雄深峻潔義理精到讀之如龍騰大谷蛟起長川雷激雲奔濤瀾震湧千態萬狀莫可得而端倪也雖然特見諸文辭之雄者廼其清心寡欲處榮不矜履道超

卷二

宋學士集附錄

十

退補齋藏板

然夷險一致則又有高世絕塵之風嗚呼景星鳳凰世不常覩出則必爲太平之徵惟公出處用舍實有繫於斯文之重輕者矣余託交方外跡跡而心親今因其門人黃叔陽以公畫像見示求余言余忘言久矣以公相契之深不敢辭姑述梗概而爲之贊然觀者當以無相爲相無文爲文則庶幾與公相忘於物表矣辭曰

文章之宗垂耀百世聿紹賢傳至道斯寄希音寥寥

或翁或張不有作者曷振其綱允矣潛溪才辯宏博
伊洛源委孟韓策獲珠聯璧貫大放厥辭崑崙渤海
名聲四馳進登文垣任專國史夙夜敬承以佐天子
酬應萬變素履泊如卷舒無迹雲行太虛顧瞻浙河
際天莫極璨璨光儀金華千尺我作贊言於象何有
後人是師泰山北斗

又

彭韶

卷一
宋學士集附錄
士
藏板
退補齋
卷一
宋學士集附錄
士
藏板
退補齋

曷其敢忘

潛溪先生像贊二首

方孝孺

星斗之文江海之量優游玉堂爲天下望名不係乎
寵辱心無與乎得喪世何幸而見之當求其似於三
代之英漢唐之上也

道術可以化天下而遇合則安乎命也該博可以貫
萬世而是非不違乎聖也無求於利達故金門玉堂
而不以爲榮無取於患難故遐陬絕域而中志未嘗
病也卓然間氣之挺出粹然窮理而盡性也事功言

語傳於世者乃其緒餘而其所存之深所守之正撓
之而不倚挹之而不罄也是蓋將友千古之豪傑待
知已於後世而非適意於俄傾也彼外物之往來何
足以累其大全而吾猶冀天道之終定也

記

宋氏爲善堂記

方孝孺

洪武十年制贈今太史公之顯祖爲太常少卿顯考
爲禮部尙書制詞皆皇上所親製以爲公之顯融于
今皆祖考爲善所致公旣嚴奉以歸與其伯兄教諭

卷一

宋學士集附錄

三

退補齋
藏板

君景淵告于廟祭于家會其族人于金華之故宅以
侈上之恩而教諭君爲燕居之堂適成乃取之制詞
之意名之曰爲善所以昭先德且教後人也君子之
爲善固未嘗有求報於天之心然其厚薄久近各以
類而應此天道之必然不可誣也自夫異端之說興
以禍福鼓天下之耳目以謂爲善則可以裕於身與
家延及後昆而報及來世使皆有利乎報而爲善於
是利與善之說不明而誠於爲善者寡矣夫善者天
之所賦人之所有者由乎仁義忠信而行乎家推之

以及乎人大之被於眾庶皆義之宜爲爾豈望其報哉望乎報而爲善雖所爲合於義猶爲利也公之先子餘世退然處乎田里修詩書禮讓之教行集于身而不耀德施於人而不居其所蓄積者厚矣一旦大發于公之身文章被宇內名譽蓋天下位乎朝廷而推榮二代潛休隱德見稱於聖主而大白於四方由是宋氏之善昭乎如日月之不可掩其先豈預斲其至此哉雖公亦不預斲其若此也不預斲其若此而天卒莫能違此善之至者也教諭君嘉厥弟之有成揭而志之使後之人取法焉亦可謂能教矣雖然教之以名不若以身之爲愈教諭君年七十餘慕古人之道不怠日坐乎斯堂訓其子孫者甚至蓋庶乎銅鞮伯華司馬康之風焉爲善之澤其有既乎若上之褒寵宋氏者殆不止乎斯而已也某公之門人也尙能爲公道之

宋氏世譜記

東陽

胡助

宋本子姓至微子始受封子孫遂皆以國爲氏有居京兆者曰大理丞憲唐武德間自京兆遷吳興歷十

卷二

宋學士集附錄

三

退補齋藏板

四傳至榮周廣順中又遷義烏覆金山榮字體仁行

二有經濟才通尚書春秋學者私諡文通先生葬法

華山娶陳生甫八行字師杜善詩宋雍熙末又遷智

者鄉之根谿口是為宋村甫娶謝生訓行二訓娶阮生帳

八行帳娶何生祥行廿二字善致娶龔無子以弟海之子

阜為後海行十四字善宗娶胡葬石濱原阜行五娶陳宗

生侷自侷以上皆儒侷行十八字子穆娶楊子同生永

敷一作富行百四柏行百五永敷娶李回嘉定初又同柏遷金

華之潛溪禪定寺側柏字秉操娶陸烈無子以永敷子溥

卷二 宋學士集附錄

高 退補齋藏板

德嗣行八垂垂至腹孝弟如古人遇物一以柔勝娶

周氏周與陸皆杭人溥德生守遺行萬三字德明娶沈

守有行萬四字德懋娶王康皆有後守富行萬五字德政

性忠信與人交無二諾嘗共兄執里役度其力單獨

任之娶金妙圓有賢德婦道母儀可為女中師且勤

甚御紡磚每夜至鷄號卒振宋氏門守有亡一子絕

幼或利其多貲謀殺之妙圓與夫保育成人悉返其

田廬一髮不私合葬潛溪西三里西姜東塢山生文昭

一名朝字文靈温恭似不能言子弟來見亦整衣冠

深揖之生平不識偽言僞行一錢不妄取不問賢愚
以一鄉善士稱之無異辭集賢院聞其事賜以荅峰
處士之號文囿行福以名爲字文馨行福文陞行福

字文華文昭娶陳賢時事父孝雖歸文昭家凡得美

食卽遣人遺之未遣不敢先食善於教子鬻簪珥使

從名師儒游死葬潛溪西十里白石山桐坡塢生淵

行俊字景淵義烏醫學教諭瀛行俊字景瀛能古文

文囿娶阮章二氏阮生澄行俊字景清渭行俊字景

亭早卒章生沁澹文馨娶姜生溱行俊源汶瀛文隆

卷二

宋學士集附錄

五

退補齋藏板

娶趙一字曉周出也淵娶蔣勸生瑛行殷字伯璋瀛

娶義烏賈專字主敬生瓚行殷字仲瑩遂未字國朝

至正庚寅三月三日濂又遷浦江感德鄉之青蘿山

孝門橋側宋氏自大理丞以來雖不甚顯多以儒術知名

於時後之孫子念先德之如斯思承繼之不易可不

知所以自勉者哉助與濂以文章交甚密因爲著此

世譜記俾之刻石先祠庶幾觀者有所興也承事郎

太常博士致仕東陽胡助記

古之論譜牒者不以世胄之貴爲足尙而以世德之美爲可徵是故庭列鼎羹笥襲組綬非不烜赫榮耀於當世而詩書之澤有衍無替則固世祚由之以綿延令聞所爲長世者也有若宋氏在吾義烏自周廣順厯宋三百餘年以迄於今凡十有二世而世以儒爲業於是景濂有作用以文章家負重名海內由布衣官太史爲時鉅工累世載德愈久而益振豈非昌黎韓子所謂世稱德門者乎維昔金華黃氏世畜令德實生太史公庭堅今宋氏亦以積累之久而景濂

卷二

宋學士集附錄

六

退補齋藏板

出焉名賢之生俱非偶然者歟黃氏自金華徙分寧而庭堅生宋氏由義烏遷金華而景濂出又何其迹之相類歟然庭堅自謂七世而上失其譜而宋氏所道則已上及於十有二世又推而上之復十有四世可考也此尤可見夫水木之本原所從來遠矣後之來者尙圖有以繼承而益衍其傳哉太常胡公爲宋氏撰世譜登載甚悉禱讀而有感焉故竊志之於篇

末

宋氏世譜序

方孝孺

士有無位而可以化天下者睦族是也天下至大也睦吾族何由而化之人皆欲睦其族而患不得其道吾爲之先孰忍棄而不效乎有族者皆睦則天下誰與爲不善不善者不得肆至治可幾矣睦族之道三爲譜以聯其族謁始遷之墓以繫其心敦親親之禮以養其恩譜之法正月之吉會族以修譜也四時孟月會族以讀譜也十二月之吉會族而書其行以爲勸戒也謁墓之法春序飲以申禮義秋序飲以明憲章也親親之道喜戚富貧相慶弔周卹也老壯稚弱相敬讓慈愛也役相助也力相籍也難相拯而死相葬也斯三者並行雖士可以成化況有位者乎不難於變天下之俗況鄉閭之近者乎近者宜其易爲有位者宜其易化然而莫爲且莫化者知道者鮮也知道而有位人焉得而不望之乎金華宋氏太史公之族太史公以道德文學師當世道之行先於其族凡可以睦族者無不爲矣斯其譜也譜非公一代之書後世之所守者也非止一家之事舉族之所取則者也使遠而後世眾而族人皆如公之心雖無焉可也

卷二

宋學士集附錄

七

退補齋藏板

苟爲不然有法以傳之猶恐其或廢況徒譜乎某是以私附其說于後俾後之人得以覽而擇焉由一族而推之天下將必自茲始此固公之志也歟

宋潛溪先生祠堂記

戚雄

我皇明肇開景運維時婺女之墟有大儒出焉曰潛溪先生宋文憲公偉然一代之宗師所以昭人文闡正學邈乎不可及已先生諱濂字景濂世居婺之潛溪幼有異質長益習聞鄉先達緒論以其餘力又尙友古之人寤寐東萊奮然思繼其絕學而何王金許

卷二

宋學士集附錄

六

退補齋藏板

四先生則風承響接私淑而與有聞焉者也故其爲人貌溫氣和內誠外恕沖然無欲視夷險榮辱一不以介意出處之分明孝友之倫篤其發之文則春容該博若決大川臨武庫光彩逸發若琬琰弘璧陳於西序而議論一歸於正味之醇如也薄海內外休問載揚惟協惟一然迄今百五十餘年遺跡榛莽廟祠弗稱窮鄉末學靡所瞻依以起其濯磨向往之志非缺典歟矧當皇祖御極之初首起侍從朝夕獻替密勿而大典章大制作一洗胡元之陋而挈諸三代之

上者伊誰之功而可忘所自乎乃嘉靖甲午侍御東
年張公按浙抵婺詢及先生慨然動念命下有司爲
設禮奠之所時郡丞李君重倅汪君助雅懷瀉尙從
事惟敏乃卽城之南隅建祠三楹門垣夾室咸具前
臨大溪爽塏靜幽始事於孟夏朔日不閱月而告成
於是率所屬奉安先生之主而告虔焉邦之人士爰
及稚耄靡不改觀相慶嗚呼風教之有裨治道尙矣
簿書筐篋之勞孰與俎豆只祝之雅耳提面命之煩
固不若陰誘默化之速也是舉也君子謂有二美存

卷一

宋學士集附錄

五

退補齋
藏板

焉曰表章也風勵也夫惟表章則舊邦文獻賴以勿
墜而古道庶幾有復明之期夫惟風勵則淑人心回
末俗豈待於聲色號令之間而取足哉此識治體者
寧先此而後彼爲世道計至深遠也或曰公之藏在
蜀衣冠體魄存焉今之祀也何居是不然先生天下
士也其事業在朝廷行義在國史學術在論著進以
羽儀天下退以淑其鄉人人咸得而尊仰之豈暇計
其衣冠體魄之所存哉抑聞之君子於前賢過化之
鄉踟躕慨念甚者爲之位置表望以想見其爲人矧

先生發產也神爽颯然不昧鄉人子弟咸在其樞衣
辟咄之列祠之復何疑乎於是郡大夫聞之咸曰祠
以詔後匪文曷宣子爲我遂書於石辭不獲命乃倣
古大招之意復系之詩曰金盆玉壺鬱嶙峋紫岩三
洞涵虛真篤生異人絕等倫仙華密邈願卜隣青蘿
松桂秋復春公神歸來兮浩無垠華棖斲傑構新
丹刻掩映輝城闔歲月盱蠻椒糶陳汀蘭岸芷雜佩
親朝暎夕月入幕賓公神歸來兮笑不嚙衣衣韋帶
滿後塵取青媿白媒厥身經師難遇人師湮龍門舊
家寡問津麟角鳳嘴誰見珍公神歸來兮覺我人

宋學士祠堂記

金華宋太史景濂其先當勝國時爲金牌海運千戶
實維世家公生於末季以世亂避地爲浦江鄭氏塾
師因遂家焉及太祖下江南公遂從浦江與王文忠
公禕相次謁見軍前太祖得之喜曰吾固知江南有
二儒者學問之博禕不如濂才思之雄濂不如禕因
從渡江由此日見親遇每軍國大事必朝夕對公籌
之與龍泉章溢麗水葉琛青田劉基嘗呼爲四先生

卷一

宋學士集附錄

三

退補齋
藏板

而不名迨後太祖平定中原海內寧一始制禮作樂以興太平於時公以名德宿學實居內臺於凡制度章程多出公之建定雖宏綱大畧類自上裁而粉飾鴻烈以啓佑後人則公之功居多也晚年致政以家難謫成四川過瞿塘夜逢僧語遂卒於其地之蓮花塘士人因藁葬焉子姓從之以故鄉里之儀型日就湮廢迨今且二百年矣學士大夫類能頌公之德之文其於揚厲表章竟無有一人能爲之先者迺已酉歲高淳韓侯始宰是邑初至卽慨然興曰國有典刑

卷一

宋學士集附錄

三

退補齋藏板

文獻不可缺也況公之烈烈者耶責實在予乃日詢耆舊以求公之遺蹤蒐輯典章以備公之行實申呈司府以詳公事之始終迺相宅於學宮之東得地三畝餘構材經費徹廢寺而一新以建爲門堂寢廡實以器具續以四垣奉公主於其中祀之復爲置田地一百畝柴厫以供粢盛爲編門役一人以備灑掃由是公之衣冠有藏神靈有妥歲時有祀伏臘有歸邦人翕然鼓舞稱快葵人姜良翰聞而歎曰若是乎韓侯之用心哉是其功豈特在太史公將鄉邦之斯文

實惟是賴矣吾鄉先正自呂成公之後歷何王金許
四先生以及儒林四傑諸賢皆以理學維植世風而
多不及大用至我公始以文章鋪張鴻烈潤色太平
其名載旂常功施社稷豈獨桑梓之私雖他人例能
道也顧以時移世遠迺不得一歆俎豆以列跡於二
忠越國之間豈非明時一缺典耶國家崇德象賢無
所不至其一時開國元勳若誠意定遠臨淮諸侯中
間越歷多艱往往亦經黜削卒之遭遇聖明俱克復
光先烈而公獨以投荒千里寂寞無聞豈國家曠蕩
之典獨一靳於我公耶無亦傷於後嗣之式微而有
司者莫能爲之先容故也韓侯乃不以其勢之微時
之遠慨然振勵而樹之風聲俾得以立宗秩祀以媿
麗於忠節賢良諸祠之間非至德其孰能圖之昔范
文正修睦之嚴祠而子陵之清風高節益彰觀蘇公
表潮之韓碑人始知昌黎之道德文章果足爲百世
師不誣也吾鄉之文運恃公而昌公之功賢以侯而
顯然則侯之功德且將在斯文者百世豈直爲太史
公已耶抑因是又有以見古今興廢之理信未可以

卷一

宋學士集附錄

三

退補齋
藏板

一定論也昔當元末擾攘之時我公以明德奇才負伯王大畧嘗以出處之計謀之千巖大師師不然公拂然就行後卒遭遇太祖果以文學侍從贊成大功爲一時儒臣之冠豈亦不爲奇遇及天下既定其一時同事諸賢率以勳庸分封錫土照耀鄉邦可謂盛矣然或不一再傳多至覆蕩遺亡迄今有併其姓名罰里而不能知者於今果安在哉而公乃獨以孤忠不偶得完其名節以落落振耀於穹壤宇宙之間使初時不遇明君則功業文章固無由自顯果其後亦

卷二

宋學士集附錄

三

退補齋藏板

止以一官投老其子若孫率皆不肖又安知其遭亡覆蕩不有同於世之泯泯者耶是身與名且俱亡而公之所烈烈者又不知其與山川草木竟如何也後之人又孰從得其實而蹤跡之況二百餘年又安得豪傑之士如韓侯者以爲之表章也是公之廢者乃興之基屈者爲伸之兆其不亡者存乃天所以默相斯文而不欲使之中絕也而微侯之功烈又孰能振衰繼絕以使之中興也哉信乎公之有祠亦可以觀既定之理也公生平於書無所不讀而讀書處在金

華八都之琴塘卽今太陽嶺下有宅一區居金華洞
里卽公所生之處計荒沒歲久已俱不可復尋矣其
所著書則有孝經曲禮諸傳及龍門潛溪鑿坡禁苑
芝園前後翰苑等集近復散逸不全侯至是始哀集
盡刻之祠旣成復藏其所刻於中以備遺亡由是那
之典型始得大全而侯之功於是爲益顯矣然則公
之所恃以爲不朽者其不在茲乎其不在茲乎韓侯
諱叔陽字進甫應天高涪人登丁未進士實尹是邑
云嘉靖辛亥歲仲冬之朔賜進士第文林郎刑科都
給事中金華姜良翰撰

卷一

宋學士集附錄

孟

退補齋藏板

浦江宋先生祠堂碑

天下之族在祀典者固皆崇報之義而亦莫不有立
教之端是故非其人焉而祀則誣有其人焉而不祀
則怠有其人舉其祀而沒其實焉則混混則雖若差
勝於怠且誣者而要其極致則亦非所以嚴祀典而
明學術也義何所取教何以立不惟前哲之精微莫
爲之闡發而後學之趨向皆將貿貿焉莫知所從事
矣亦何貴於祀哉潛溪宋先生生於浙之浦江卒葬

於蜀之成都成都則既有祠祀矣浦江顧獨缺焉百五十餘年莫有爲之舉者迺高淳韓叔陽氏以進士出知是邑之二年爲嘉靖庚戌遂慨然請於金華守陳君元珂達之監司明年辛亥余以視學至謂斯舉不當緩於是韓尹辨方相址聚材鳩工建堂廡門宇三十七楹經始於秋八月落成於冬十二月奉先生主妥安如禮仍樹碑以紀成事率諸生以文告余惟浦江金華屬邑也金華之學自東萊呂成公倡之而何王金許四賢相繼而出說者謂爲朱學世適今其

卷二

宋學士集附錄

三

退補齋藏板

立言著論昭然具在固非後人之所敢擬議者然要之皆聖門之羽翼也先生繼起是邦遭逢聖主文章事業掀揭宇宙士人籍籍咸稱名臣已極誇詡至其所深造自得者上躋聖真直達本體則反爲文章事業所掩而不得明預於理學之列此余追考先生之平生未嘗不喟然而歎也曰嗟乎世有眞儒若先生者哉觀其斥詞章爲淫言詆葩藻爲宿穢期於剗削刊落以徑趨乎道德居常或終日靜坐或支頤看雲或掛冠行松間或擊磬而浩歌脩脩然如塵外人及

讀其所雜著與凡六經之論七儒之解觀心之記則實有不能自己於言者是豈徒欲以文章事業名世者哉奈何學術難明見聞易眩而先入之言之易行所以擬先生者僅僅若此也不知舉夔稷契伊傅周召得其時則爲各臣顏閔冉仲有曾思孟不得其時則爲大賢固不當以彼此論也況究觀先生之學在宋則有若陸子靜在元則有若吳幼清蓋皆聖學正傳後先一轍其與前四賢之繁簡紆直世必有能辨之者而俎豆獨後品儕未當豈所以表先正而示後

卷二

宋學士集附錄

美

退補齋藏板

學哉苟但知先生之顯而不知先生之微知先生之用而不知先生之體則是見光華者忘日月靚溟渤者失原泉而精一無二之指無怪乎其未究也此固於先生無所重輕而祀典之寢混學術之不明余竊憂之故因先生之祠成不避而大書之石庶乎二三子之從吾游者可因是而繹思也敢曰是足以慰先生之靈也哉先生名字爵里出處存歿有國史在祠址堂宇祭田丘畝文集板刻韓尹雅知治本經畫具悉有附錄在不書嘉靖二十一年壬子春正月八日

賜進士第中順大夫浙江按察副使奉敕提督學校
前兩京吏禮二部郎中後學武進薛應旂撰文

移文

浦江縣申建宋學士祠移文

金華府浦江縣爲比例特建祠祭以崇先德以勵
後學事據本縣儒學廩增附生員張孟昂等連名
呈稱竊見金華舊有四賢祠蘭谿舊有金仁山章
文懿祠近又新建范香溪祠各邑追崇後先相望
蓋將表揚乎先德亦欲興起乎後人惟本縣鄉賢

全卷一

宋學士集附錄

三

退補齋
藏板

宋景濂先生學貫天人道宗孔孟推明正學續金
華道統之傳黼黻皇猷爲開國文臣之首文章論
撰勒在鼎彝行誼勳名載諸史冊薰德而善良者
甚衆聞風而興起者尤多其所著孝經曲禮傳龍
門子潛溪集凝道記浦陽人物記諸書及鑿坡芝
園等集道不詭於聖人言可法於後學考其所得
實無愧於香溪諸賢而得君匡國功或過之夫何
浦江乃先生誕生之地獨未有崇奉之儀是誠缺
典之所當修祠祭之所不容不建者也呈乞垂念

先賢盛德俯從後學所請查照蘭谿事例爲擇善地特建專祠裁定祭禮訪立宗裔一人以示世守編僉門子一名以供灑掃舉報稱之典於一時慰景仰之思於百代庶幾先賢遺澤沒世不忘士類瞻依永爲有地而於國家風化之助不無少補矣據此照得特建范香溪祠祭事在蘭谿尤恐不的就經行准彼縣開卷查一宗爲建立賢祠以崇學正以彰聖德事據該學生員辛續等具呈乞建立鄉賢范香溪先生特祠專祀等情該本縣知縣

卷一

宋學士集附錄

三

退補齋藏板

徐紳查議就其基所量給官銀三十兩與其後嗣生員范延齡等特建祠堂一所每歲春秋二祭各於該年丁田內添派銀三兩買辦祭物備由申蒙本府轉呈去後續奉府帖該蒙提督學校按察司副使劉案驗該蒙巡視浙江監察御史裴批道呈文蒙批准祠特祭俱依擬備行本縣遵照查給官銀蓋完祠堂加派銀兩致祭外合行闕覆施行准此爲照諸生所請特建宋景濂先生祠祭一節實與范香溪事體相同應合允從查得本縣原有已

廢明德寺後堂三間插屋二間破損正殿一間基地三畝三分八厘四毫山三十六畝已經本縣勘斷入官申詳分巡道依擬前項木料堪以建祠及勘本縣儒學之左有田一坵量計三畝四分逼近學墻地勢高敞可爲祠址審係市民黃綱之業隨據執稱情願出賣爲基又查聖昌寺還俗行童于道明遺有民田一十八畝四分七厘地三畝四分查係無主寺產亦該本縣勘斷入官欲將前田照數撥與黃綱易換但學左附郭之田時價頗高合

卷二

宋學士集附錄

五

退補齋
藏板

無候申詳允日將前寺田倍撥六畝八分與黃綱抵換前田以爲祠址就將明德寺屋料拆卸修造正宇三間廳屋三間門房三間周圍修築墻垣量該加添工料之費將明德寺入官基地山田變賣價銀補湊該用人力量撥民壯二十名助工不必如蘭谿縣動支官銀而事亦易完落成之日設立先生神主在內照依范香溪之例給與春秋祭祀每祭於本縣丁田內各派銀三兩仍編均徭門子一名看守再行查訪宋氏同宗一人以繼絕祀其

前聖昌寺入官餘田一十一畝四分七厘地三畝四分聽其立籍管業所收租穀以爲修理之資且本祠與學宮相隣再查廢寺木料陸續修葺東西側房凡有志生員聽於祠內讀書以興起其景行先哲之心庶幾鄉賢之德不致泯沒無聞而於地方士風不爲無補矣緣係比例特建祠祭事理合行具申伏乞轉達合于上司照詳示下以便遵奉施行嘉靖二十九年十一月初十日浦江縣知縣韓叔陽縣丞張續主簿缺典史蔡桐

卷一

宋學士集附錄

三

退補齋藏板

金華府爲比例特建祠祭以崇先德以勵後學事據浦江縣申云云等因看得宋景濂先生開國文臣之宗其潤色皇猷恢弘文教於本朝草創之日其功爲大而浦江乃其本生之地祠祭寂寥宗裔零落夫過大梁者尙馳想夫夷門遊九京者亦流連於隨會矧伊名賢又非他比撫事懷人景德者能無動念但建造重事耗費錢糧前此有司故多因循今該縣所據因舊爲新事集而費少因民所欲名正而義大相應俯從合無候呈詳允日行合

該縣照依前議建立前祠爲立守祀歲致二祭徭編門子看守庶幾報德無窮而景行有依矣惟復別有定奪本府未敢擅便理合通行申稟浙江布政使司分守金衢嚴道右參政蔡批浦江乃景濂先生所生之地未有專祀誠爲缺典該府縣留心及此可謂知所先矣提督學校浙江按察司副使雷按察司帶管分巡浙東道僉事胡批宋先生祠祭景德慕義者所不容已也況其鄉乎據議已有成畫仰候察院詳示施行此繳嘉靖二十九年十

卷一

宋學士集附錄

三

退補齋藏板

一月二十一日金華府知府陳元珂同知缺通判司繼祖推官吳仲禮

金華府爲比例特建祠祭以崇先德以勵後學事蒙提督學校浙江按察司副使薛案驗該蒙巡按浙江監察御史王批本道呈詳浦江縣宋景濂先生建祠特祀緣由看得宋景濂先生開國儒臣之首文章德業冠冕當代矜式後人沒而不得俎豆於其鄉誠爲缺典旣經該道查明於祀典相應准卽於前項廢寺改建祠宇用以妥安神主餘俱依

擬施行工完仍具由呈報此繳案照先蒙本院批
金華府經歷司呈前事提學道查議呈奪此繳該
本道看得宋景濂先生格心之學華國之文遭運
昌期贊襄洪業創立學校以明倫制作禮樂以飾
治稽其立德立功立言昭然可述揆之祭義祭法
祭統允矣不誣且今成都爲遷葬之地尙有賜田
矧茲浦江乃誕生之鄉可無專祀該府議將廢寺
屋木田地經畫區處建立祠宇以安妥神主仍編
均徭門子一名常川看守似爲允當但餘田一十

卷二

宋學士集附錄

三

退補齋
藏板

一畝六分七厘地三畝四分欲查訪宋氏同宗一
人聽其立籍管業雖若興廢繼絕不無啓僞長姦
賢者無後自古有之小利必爭於今爲甚不認梁
公者百無一二甘拜子儀者十常二三所據查訪
宋氏繼祀一節似難允議前田租穀相應徵收在
官或照各處學田規則積貯在學常賦之外以爲
春秋二祭之費每歲免加丁田銀六兩亦所謂寬
一分則民受一分之賜也其餘依擬准行該縣建
造祠宇擇日興工仍委廉幹官一員董理嚴禁冒

破浸漁之弊工完具由通行申報惟復別有定奪
已經備由呈詳去後今蒙前由擬合就行爲此案
仰本府官吏照依案驗內事理卽便轉行該縣查
照將原議廢寺屋木田地經畫區處建立祠宇以
安安神主仍編均徭門子一名常川看守餘田一
十一畝六分七厘地三畝四分租穀徵收積貯在
學常賦之外以爲春秋二祭之費免加丁田銀兩
餘俱依擬施行卽擇日興工仍委廉幹官一員董
理嚴禁冒破侵漁之弊工完之日徑自具由申報
各道及本府查考其餘悉照學校詳議施行先具
不違依准二本
查須至帖者右帖下浦江縣准
此嘉靖三十年五月廿三日

卷二

宋學士集附錄

三

退補齋
藏板

金華府浦江縣爲比例特建祠祭以崇先德以勵
後學事案照承奉府帖該蒙提督學校浙江按察
司副使薛案驗詳允准將廢寺木料田地建立宋
景濂先生祠宇兩關餘田一十一畝六分七厘地
三畝四分租穀徵收在官常賦之外以爲春秋二
祭之費免加丁田銀六兩仰縣悉照詳議施行等

因看得前項寺田每年該租穀二千一百四十斛
值銀五兩三錢四分地租折銀五錢二分五厘共
銀五兩八錢六分五厘每年輸賦該銀二錢四分
二厘春秋二祭照依鄉賢祠買辦品物該銀四兩
九錢八分四厘全熟之年所收前租似足支費如
遇歲荒收少祀典恐致廢缺況後年久祠宇損壞
無從措處修葺及先該本縣刊刻先生文集一部
倘後上司本縣取用未免移法里甲俱爲未便卷
查一宗爲侵匿官銀謀產事據本縣犯人鄭廷春

卷二

宋學士集附錄

語

退補齋
藏板

告稱始祖鄭三四係宋先生女婿撥出民田四畝
七分爲祭產近被鄭廷潦佔管已經本縣審實斷
入本祠爲祭產但隔遠管業不便責令本家殷實
戶丁鄭廷輔鄭廷照承買照依時價出銀別買近
祠樓仲嘉等民田一坵計五畝每年該租穀九百
斛值銀二兩二錢五分再查勘先年入官近溪田
地八十畝每年該租利銀七兩三錢三分二厘三
毫又本祠臨街店房六間每年該賃銀四兩二錢
俱徵收在官先儘輸賦祭祀之外餘銀存庫以備

荒年辦祭及修理本祠併上司本縣刷印文集紙張工食之費再照前項加增租銀俱係本縣自處未經申詳合候詳允之日立案備照與本縣倉庫錢糧一體交盤庶幾事體經久不致湮沒而費有常經亦不致科派擾民矣嘉靖三十年十月日知縣韓叔陽縣丞張縝主簿缺典史蔡桐具申提督學校浙江按察司副使薛批據申經理祠祀并印刷文集等項具見周悉足垂永久俱依擬行此繳

祭產

卷二

宋學士集附錄

三

退補齋藏板

田一十六畝六分七厘共計八坵每年共該租穀

三千四十斛折銀七兩六錢

一買南陶民人樓仲熹等民田五畝

聖昌寺入官田一十一畝六分七厘

地三畝四分共計二片每年

共該租豆麥二百一十斛折銀五錢二分五厘

相木八根每年共該油燭一十五斛

本祠門子經收支用及香

紙箕筭之費

每年通共銀八兩一錢二分五厘

本祠門子

收經

二祭共該銀四兩九錢八分四厘

臨時發鋪戶買辦

新猪二口 每口重七十斤各該銀一兩四錢

羊二隻 每隻重四十斤各該銀八錢

柏香一炷 計銀三厘 醃醃肉二觔 計銀四分

棗栗各二觔 計銀四分 青菹韭菜各二觔 計銀八厘

醃魚二觔 計銀三分 紙劄銀三分

末香一升 計銀一厘 柴五束 計銀五分

十油燭四對 重二斤半計銀五分 酒二瓶 重十斤計銀四分

稅糧共該租穀一百七十斛 本祠門子管納 秋糧民米

五斗一升外 寺米二斗二升 夏稅麥七升一

卷二 宋學士集附錄

合 餘銀除買祭納糧外每年餘剩穀一千八十三斛

十兩該銀二兩七錢七厘五毫着落本祠門子經

收明白送縣貯庫聽候節年查盤以備荒年欠租

抵補祭物之數及修理本祠之費如遇均徭里甲

年分免當差役

外入官溪田地共八十畝計五十七號每年共該

租銀七兩三錢三分二厘三毫此田地坐落水衝

渰沒不常難以陞稅如遇水渰委官查減租

渰沒不常難以陞稅如遇水渰委官查減租

東至五都九保界 西至項延圭田界
南至大溪界 北至高勘界

田三十畝七分一厘每年共該租銀四兩一分四

毫 上中田每畝該租銀一錢五分 中上田

每畝該租銀一錢三分 中下田每畝該租銀

一錢二分 下下田每畝該租銀一錢

地四十九畝四分八厘每年共該租銀三兩三錢

二分一厘九毫 上中地每畝該租銀八分

中下地每畝該租銀六分 下上地每畝該租

銀五分 下下地每畝該租銀四分

卷二

宋學士集附錄

毛

退補齋藏板

本祠臨街店房七間每年每間該賃銀六錢共該

銀四兩二錢二項共銀一十一兩五錢三分二

厘三毫每年本縣追收貯庫以備修理本祠及

上司本縣刷印全集紙張工食之費庶不科擾

里甲書一千四百零七張板七百五十七塊嘉

靖辛亥孟冬十月刊行

傳

宋太史傳

金華

王雨禕

宋太史者名濂字景濂婺之金華人也其先有諱憲

者官大理丞爲易講師弟子歟至數千人唐武德間
自京兆遷吳興更十四世有諱榮者私謚文通先生
通尙書春秋有才而不及用周廣順中徙於義烏隱
居覆釜山至宋嘉定初有諱柏者復遷金華其地曰
潛溪又五世乃爲景濂自其父祖而上世爲俊儒雖
隱約鄉里間不顯著而詩書之澤被於人者多矣景
濂在妊僅七月爲嬰兒時苦多疾甫六歲卽能誦古
文書過其目輒成誦爲詩歌有奇語操筆立就人異
之呼爲神童年十五里人有張繼之長者也告其父

卷二

宋學士集附錄

五

退補齋
藏板

曰是子天分非凡當令從名師卽有成爾乃攜之入
城府俾受業聞人夢吉先生習易詩書春秋通焉爲
舉子業課試每居諸生右其友胡君翰曰舉子業不
足恩景濂蓋爲古文辭乎遂與俱往浦陽從吳萊先
生學吳先生博極經史善爲古章句景濂學之悉得
蘊奧久之文章之名籍然著聞矣景濂爲文初若不
經思而用意極精密浩浩乎莫闕其際源源乎不知
其所窮洋洋乎不見其有所不足也當是時鄉先生
翰林待制柳公貫翰林侍講學士黃公潛皆大儒天

下所師仰景濂又各及其門執弟子禮而此兩公者
則皆禮之如朋友柳公曰吾邦文獻浙水東號爲極
盛吾老矣不足負荷此事後來繼者所望惟景濂以
絕倫之識而濟以精博之學進之以不止如駕風帆
於大江中其孰能禦黃公曰吾鄉得景濂斯文不乏
人矣景濂所爲文多經二公所指授柳公謂其渾雄
可喜黃公謂其雄麗而溫雅莆田陳君旅知言士也
爲之序曰柳公之文麗鬱隆嶷如泰山之雲層鋪疊
湧杳莫窮其端倪黃公之文清圓密切動中法度如

卷一

宋學士集附錄

五

退補齋
藏板

孫吳用兵神出鬼沒而部伍不亂景濂之文其辭韻
沈鬱類柳公體裁簡嚴類黃公大哉文乎其不可無
淵源乎蓋以景濂爲能兼二公之所長矣翰林學士
承旨廬陵歐陽公立於二公爲行輩嘗評景濂文氣
韻沈雄如淮陰出師百戰百勝志不少懾神思飄逸
如列子御風翩然騫舉不沾塵土辭調爾雅如殷貞
周彝龍紋漫滅古意獨存態度多變如晴躋終南衆
皴前陳應接不暇非才具衆長識邁千古安能與於
斯其爲當世所稱許如此於是二公相繼既卽世而

景濂踵武而起遂以文章家名海內至正中用大臣
薦擢將仕佐郎翰林國史院編修官自布衣入史館
爲太史氏此儒者之特選而景濂素不嗜仕進固辭
避不肯就會世亂益韜閤不欲事表顯乃入小龍門
山著書書成二十四篇曰龍門子凝道記又著孝經
新說周禮集註等書皆傳於學者初宋南渡後新安
朱文公東萊呂成公並時而作皆以斯道爲己任婺
實呂氏倡道之邦而其學不大傳朱氏一再傳爲何
基氏王柏氏又傳之金履祥氏許謙氏皆婺人而其

卷二

宋學士集附錄

罕

退補齋
藏板

傳遂爲朱學之世適景濂旣間因許氏門人而究其
說獨念呂氏之傳且墜奮然思繼其絕學每與人言
而深慨之識者又足以知其志之所存蓋本於聖賢
之學其自任者益重矣景濂於天下之書無不讀而
析理精微百氏之說悉得其指要至於佛老氏之學
尤所研究用其義趣製爲經論絕類其語言寘諸其
書中無辨也青田劉君基謂其主聖經而奴百氏馳
騁之餘取老佛語以資嬉劇譬猶飫梁肉而茹苦荼
飲茗汁耳景濂狀貌豐厚美鬚髯然目短視尋丈之

外不能辨人形而雪邊月下蠅頭之字可讀也性疎曠不喜事檢飭賓客不至則累日不整冠或攜友生徜徉梅花間轟笑竟日或獨臥長林下看晴雪墮松頂雲出沒巖扉間悠然以自適世俗生產作業之事皆不暇顧而篤於倫品處父子兄弟夫婦間盡其道與人交任真無鈞距視人世百爲變眩捍闔謾若不知知之亦弗與較縱爲人所賣不復卹而人亦無忍欺之者用是咸稱爲有德之君子景濂所爲文別有蘿山吟藁三卷潛溪內外集三十卷又有浦陽人物

卷二

宋學士集附錄

四

退補齋藏板

記五卷或謂可比五代史云

義烏王禕曰世稱太史公司馬遷好游南上會稽浮於沅湘北涉汶泗過梁楚足跡半天下其文雄深雅健善馳騁有奇氣以游故也吾觀宋太史以文章擅名今世其才氣殆前無古人使其生遷時與之相頡頏不知其孰爲先後矣而其足迹未嘗踰鄉里豈世之稱遷者固不足信耶遷生龍門而景濂亦著書龍門山其所著書與遷協六經異傳整齊百家雜語以成一家之言何異然遷謂自周公五百歲而有孔子

孔子後至其身亦五百歲自待太重亦見其不知量
矣若景濂立言謙謙焉未始以自高此又其所爲異
耶

宋潛溪先生小傳

鄭濤

景濂姓宋氏景濂字也其先家金華之潛溪至景濂
始自潛溪遷浦江今爲浦江青蘿山人初景濂與祖
同以十月十三日生因名曰壽後更名曰濂上饒鄭
錄事復初爲製今字其在母妊僅滿七月卽生故爲
嬰兒時極多病每患風眩輒昏迷數日祖母金與其

卷二

宋學士集附錄

里

退補齋
藏板

母陳更相抱抱方獲無虞年六歲入小學其師包文
叔授以李瀚蒙求一日而盡自後日記二千餘言諸
生同肄學者日暮罷歸其所讀書景濂皆成誦九歲
頗學爲詩有道士樓節翁至或命賦詩爲贈景濂操
筆輒成四韻有步罡隨踢腳頭斗噴水能轟掌上雷
之句衆因目爲神童烏傷賈伯達豪傑之士也亟許
以女歸焉景濂家素貧力不能致名師儒而鄉中投
徒者皆畏景濂又莫敢爲之師自是或作或輟者十
年鄉先達張教授繼之自瀏陽滿官歸聞景濂善記

也亟延見於別墅問四書經傳若干日可通倍景濂以一月爲答繼之不之信抽架上雜書俾卽記五百餘言景濂以指爪逐行按之按畢成誦一字不遺繼之驚曰有才如此不可廢也城南聞公夢吉鄉貢進士也吾引汝就學焉景濂輒擔簦徒步從之聞公深喜授以春秋三傳之學凡學春秋者皆苦其歲月先後難記景濂則并列國紀年能悉誦之但舉經力一事卽知爲魯公幾年幾月是年實當列國某君幾年幾月或俾書而覆之無小爽者適鄉校行私試景濂

卷二

宋學士集附錄

聖

退補齋藏板

占前列同里胡君仲申時受學於浦江吳公吳公亦鄉貢進士以文章名家仲申從之游深得其學每見景濂輒加獎譽且謂曰舉子業不足煩景濂曷學古文辭乎仲申景濂所畏者聞其言甚喜於是復從吳公游益取經史及諸子百家之書而晝夜研窮之凡三代以來古今文章之洪纖高下音節之緩促氣燄之長短脉絡之流通首尾之開闔變化吳公所受於前人者景濂莫不悉聞之於是其學大進繼登待制柳公道傳侍講黃公晉卿之門益講求其未至一二公

深相器重每有咨叩終日言之無少倦之色或離左
右則書問之往來無月無之黃公至以博雅雄麗稱
其文人有求文於黃公者黃公不暇爲輒命景濂撰
就自署其名而遺之由是景濂以文知名於時臺憲
諸顯人多願得而觀之而景濂不以爲己足且謂文
爲載道之具凡區區酬應以適時用者皆非文於是
益求古人精神心術之所寓而大肆力於其間積之
之久浩浩乎而莫窺其際源源乎而不知其所窮洋
洋乎而不見其所不足若景濂之文可謂能卓然名

卷二

宋學士集附錄

留

退補齋
藏板

家者矣景濂之貌不踰於中人而其志則欲尙友於
千古接人雖極其和至於品裁優劣則極慎許可當
其意者蓋十無一二焉或狎而侮之卒弗與較人有
樂於爲善則竭其志慮而助之不啻若己事故自家
庭之近至於州閭之遠自公卿之貴至於僕隸之卑
凡識景濂者咸以爲愷悌忠愿之人景濂篤於倫品
處父子夫婦兄弟之間皆無愧性尤曠達視一切外
物澹如也年三十卽以家事授子姪朝夕唯從事書
冊間稍有餘暇或支頤看雲或被髮行林間遇得意

時輒擊磬浩歌聲振林木翛翛然如塵外人其傲視
一世豈徒齊彭殤忘貴賤而已哉其胸中之所存蓋
有不可得而測者矣予少景濂五歲初從吳公游始
識景濂及再從柳黃二公而與景濂過從尤密是則
於學爲同志於師爲同門不可謂不知景濂也因爲
撰小傳一通如此景濂所著若孝經新說周禮集註
經緯文宗浦陽三書古賦正音等書多未完其志甚
銳而所述當不止尙俟他日續書

行狀

卷二

宋學士集附錄

巽

退補齋
藏板

翰林學士承旨嘉議大夫知制誥兼修國史兼
太子贊善大夫致仕潛溪先生宋公行狀

鄭楷

曾祖考溥德

妣周氏

祖考德政贈亞中大夫太常少卿

妣金氏贈淑

人

考文昭加贈嘉議大夫禮部尙書

妣陳氏加贈

淑人

本貫金華府浦江縣感德鄉仁義里

先生諱濂字景濂世爲婺之金華人也其先有諱憲
者官大理丞爲易講師弟子衆至數千人唐武德間
自京兆尹遷吳興更十四世有諱榮者私諡文通先
生通尙書春秋周廣順中徙於義烏隱居覆釜山又
七世至宋嘉定初有諱柏者復遷金華其地曰潛溪
又五世乃至先生始遷浦江仁義里之青蘿山仍以
潛溪扁其所居示不忘本也於是四方學子咸以潛
溪先生稱之先生在姪七月卽生爲嬰兒時苦多病
每風眩輒昏迷數日祖母金及母陳更相抱抱得免

卷二

宋學士集附錄

吳

退補齋
藏板

無虞年六歲入小學授以李瀚蒙求一日而盡自後
日記二千言同肄業者日暮罷歸其所讀書先生皆
成誦九歲爲詩歌有奇語人異之呼爲神童年十五
六里人張繼之長者也聞先生善記誦邀至別墅所
問以四書經傳若干日可通信先生以一月爲答初
繼之不之信抽架上雜書俾卽記五百言先生以指
爪逐行按之按畢輒倍一字不遺繼之告先生之父
尙書公曰是子天分非凡當令從名師卽有成爾乃
攜入府城受業於聞人夢吉先生授以春秋三傳之

學凡學春秋者皆苦其歲月先後難記先生卽并列國紀年能悉誦之但舉經中一事卽知爲魯公幾年幾月是年實當列國某君幾年幾月或俾書而覆之無少異者且兼通易書詩及周禮諸經先生爲舉子業每出諸生右會吳貞文公萊授經於白麟溪上攻古文辭金華胡君翰亦來從學胡君致書於先生曰舉子業不足慰景濂盍來同學古文辭乎先生欣然來從吳公博極經史學之未幾悉得其闡奧自是先生文章之名藉然著聞矣居無幾何吳公解館而歸

卷一

宋學士集附錄

罷

退補齋藏板

先生嗣主教席子弟年十六者皆相從讀書講道東明山中受業者一門凡四十餘人始終越二十年學成多有躋膺仕者當是時會伯祖貞和府君主家政年踰八十端嚴方正先生年甫四十又五終日毅然賓主人尤高之府君方著家規示子孫其冠婚喪祭儀制禮文多參問於先生先生則據證古今準酌時宜以成一家之法子孫世守詩禮之教者先生之力也先生嗜學日篤時柳文肅公貫黃文獻公潛皆大儒天下所師仰又各及其門執子弟禮二公則皆禮

之如朋友柳公曰吾邦文獻浙水東號爲極盛吾老矣不足負荷此事後來繼者所望惟景濂以絕倫之識而濟以精博之學進之不止如駕風帆於大江中其孰能禦之黃公曰吾鄉得景濂斯文不乏人矣先生所爲文多經二公指授柳公謂其渾雄可喜黃公謂其雄麗而溫雅國子監丞陳君旅序先生之文謂能兼二公之所長歐陽文公元謂非才具眾長識邁千古安能與於斯先生爲當時所稱許如此二公相繼卽世先生踵武而起遂以文章名海內矣至正

卷二

宋學士集附錄

哭

退補齋藏板

己丑用大臣薦擢先生將仕佐郎翰林國史院編修官自布衣入史館爲太史氏儒者之特選先生以親老不敢違違固辭會世亂益韜閤不事表顯乃與弟子入龍門山著書二十四篇曰龍門凝道記及著孝經新說周禮集註等書弟子乃先公貞孝處士諱淵府君也初宋南渡後新安朱文公東萊呂成公並時而作皆以斯道爲己任婺實呂氏倡道之邦而其學不大傳朱氏一再傳爲何基氏王柏氏又傳之金履祥氏許謙氏皆婺人而其傳遂爲宋學之世適先生

既閒因許氏門人而究其說獨念呂氏之傳且墜奮
然思繼其絕學每與人言而深慨之識者又以知其
志之所存蓋本於聖賢之學其自任者益重矣先生
於天下之書無不讀而析理精微百氏之說悉得其
旨要至於佛老之學亦所研究用其義趣裁爲經論
類其語言寘諸其書中無辨也誠意伯劉君基謂其
主聖經而奴百氏馳騁之餘取佛老語以資戲劇譬
猶飫梁肉而茹茶飲茗汗耳歲庚子太祖皇帝定鼎
金陵遣使者攀觀奉書幣造門徵先生先生曰昔聞

卷二

宋學士集附錄

巽

退補齋
藏板

大亂極而眞人生今誠其時矣遂幡然應詔先生與
青田劉君基麗水葉君琛龍泉章君溢俱見上尊重
之語必稱先生而不名七月以先生爲江南等處儒
學提舉十月奉旨入內授皇太子經先生誠明儼恪
遇綱常大義明白開陳再三言之而不倦上深嘉歎
之壬寅八月上召先生及興國孔克仁講春秋左氏
傳畢先生起曰春秋乃孔子褒善貶惡之書苟能遵
行則賞罰適中天下可定也是月告歸省親有白金
文綺之賜且曰卿之誠慤朕素知之故有此賜耳甲

辰十月改起居注先生侍上左右知無不言補益甚
衆明年正月上御端門與先生論及黃石公三畧且
口釋之先生進曰尙書二典三謨帝王大經大法靡
不舉具願陛下留意講明之上曰朕非不知典謨爲
治之道但三畧乃用兵攻取時務所先耳嘗侍上語
賞賚先生曰天下以人心爲本苟得人心帑藏雖竭
無傷也人心不固雖有金帛何補於國耶上詔丞相
李公善長歸江西軍中所掠牛於其民無牛者官給
之勿取其租丞相退上顧左右曰向所言事當乎先

卷二

宋學士集附錄

五

退補齋
藏板

生對曰民富則君不至獨貪民貧則君何能獨富捐
利於民實興邦之要道也三月先生以疾告詔還家
爰治仍賜金帛皇太子致贈有加焉六月先生上箋
謝恩復奉書皇太子勉以孝友恭敬勤敏讀書無怠
惰毋驕縱修進德業以副天下之望上覽書喜甚召
太子語以書意且賜書答其畧曰曩者先生教吾子
以嚴相訓是爲不佞也以聖人文法變俗言教之是
爲疏通也所守者忠貞所用者節儉是爲得體也昔
聞古人今則親見之復以文綺侑書上每與羣臣言

先生涓謹君子輔導有方眷遇甚隆既而先生丁尙書公憂及服除洪武二年詔徵先生總修元史六月除翰林學士亞中大夫知制誥兼修國史時編摩之士皆山林布衣發凡舉例壹畀於先生先生通練故事筆其綱領及紀傳之大者同列歛手承命而已逾年書成先生之功居多時剖符封功臣下先生議五等封爵召宿大本堂討論達旦先生歷據漢唐以來故實量其中而奏之曰此可法彼不可法皆傳於理而已時甘露屢降上問災祥之故先生對曰受命不

卷二

宋學士集附錄

至

退補齋藏板

於天於其人休符不於祥於其仁是以春秋不書祥而紀異爲是故也上姪文正以荒淫擅殺得罪先生言曰文正罪固當死陛下體親親之義生之而置諸遠地則善矣上嘗言古之帝王當宴安之餘多好神仙以朕言之使國治民安心神怡康卽神仙也先生對曰漢武好神仙而方士至梁武好佛而異僧集皆由人主篤好故能致之使移此心以求賢輔天下其有不治乎上深然之上旣追封外王父爲楊王立廟京師御通天冠絳紗袍以祭祭畢召大臣問曰朕祭

外王父卿等以爲不當服袞冕何也先生對曰袞冕
惟祭天地宗廟用之餘則當降禮也上嘗祀方丘患
心不寧先生進曰孟子有言養心莫善於寡欲審能
行之心清而身泰矣上稱善久之三年十二月遷奉
議大夫國子司業國子多大臣子弟先生蒞之以莊
率之以正日進諸生立兩序據坐執經敷揚闡奧之
旨教以孝悌忠信之道學者帖帖遵度惟恐不得爲
先生弟子上欲試先生以吏事四年八月授安遠知
縣五年二月召爲禮部主事十二月擢太子贊善大

卷一

宋學士集附錄

五

退補齋
藏板

夫階如司業時先生之忠誠久而彌篤皇太子一言
一動皆以禮法諷諭使歸於道讀書至切於政教及
前世興亡之故必拱手揚言曰君國子民之道當如
是不當如彼且推人情物理以明其義皇太子每歛
容嘉納敬禮未嘗少衰言則曰師父師父云且書舊
學二字以賜先是上問帝王之學何書最要先生請
上讀真德秀大學衍義上覽而悅之令左右大書揭
之兩廡之壁時臨觀之六年二月上御西廡大臣皆
侍坐上指衍義中言司馬遷論黃老事令先生講析

俾在坐者聽之先生既如詔復言曰漢武嗜神仙之學好異域之功民力旣竭重刑罰以震服之臣以爲人主能以義理養性則邪說不能侵興學校教民則禍亂無從而作矣刑罰非所先也上謂先生曰朕之爲君上畏天下畏兆民兢兢業業不敢自逸先生對曰陛下此心古先哲王之心也書曰予臨兆民凜乎若朽索之御六馬爲人上者奈何不敬正謂此爾願陛下慎終如始天下幸甚上御齋室先生侍坐上問三代歷數封疆之修短廣狹先生歷言之且曰三

卷二

宋學士集附錄

五

退補齋藏板

代之治天下也以仁義故歷年之多後世莫及上從容謂曰皇太子留心治道卿等宜常與論議庶廣識見幸善調護之先生益孜孜弗懈七月陞翰林侍講學士中順大夫知制誥同修國史仍兼贊善大夫先生之父文昭贈中順大夫禮部侍郎母陳氏贈淑人先生奉詔搜萃歷代姦臣之蹟編爲辨姦錄及進太子諸王各分賜焉初上作祖訓錄至是成命先生作序諭以大意先生歷言帝王之道及皇上創業之艱以致箴戒之意於後人上稱善命刻於篇先生嘗侍

上至後苑觀穫上曰農事成矣先生對曰國以民爲
本民以食爲天陛下知稼穡之艱難而念民生之良
苦實盛德也上問曰三代以上所讀何書先生對曰
上古載籍未立不專讀誦而尚躬行人君兼治教之
責躬行以率之天下有不從教化者乎八月奉旨纂
修大明日歷一百卷擇言行之大者爲寶訓五卷先
生總裁其事朝夕禁中至七年五月乃成先生以布
衣沐非常之遇誓竭誠以報國凡上有所任使靡晝
靡夜躬閱載冊書於牘進之或覆視於冊一字不遺

卷二

宋學士集附錄

語

退補齋
藏板

先生在朝日久若郊社宗廟山川百神之典朝享宴
慶禮樂律歷衣冠之制遠邦朝貢賞賚之儀及勳臣
名卿焯德耀功之文承上旨意論次紀述咸可傳於
後世先生在上前凡所陳說不爲文飾隱蔽雖家事
苟有問亦一一道之常曰君猶父也猶天也其可欺
耶上嘗問昨日飲酒否座客爲誰饌爲何物悉以其
人及膳羞品對上笑曰卿飲時朕令人視之果如卿
言卿信不欺我故上久而益信其誠欲俾參大政先
生辭曰臣少無他長惟文墨是攻今幸待罪禁林陛

下之恩大矣臣誠不願居職任也上愈厚之每宴見必命茶賜坐每旦令侍膳詢訪舊章請求治道或至夜分乃退先生屢有所建明召問廷臣臧否第言其善者不置又問否者爲誰先生曰善者與臣友故知之否者縱有臣不知也卒無所毀短或命賦詩爲文必寓忠告嘗奉制詠鷹令七舉足卽成有自古戒禽荒之言上忻然曰卿可爲善諫矣然先生絕不以語人至於應制之作亦不留藁署溫樹二字於居室之壁有問及內事者指以示之上嘗與先生飲先生素

卷二

宋學士集附錄

羹

退滯齋藏板

不勝杯勺舉觴卽辭上強之至三觴面如赭行不成步上歡笑親御翰墨賦楚辭一章以賜仍命侍臣咸賦醉學士歌且曰俾後世知朕君臣同樂若此也甘露降上召先生賜坐上躬執金杓煉湯於鼎以甘露投之手注於卮以賜先生曰此和氣所凝能愈疾延年故與卿共之耳皆異恩也九年六月上以先生久典制作宣勞爲多特拜翰林學士承旨嘉議大夫知制誥兼修國史上每謂先生曰朕以布衣爲天子卿亦起草萊列侍從爲開國文臣之首俾世世與國同

休不亦美乎趣令取子孫官之先生屢辭謝不敢奉
詔至是年某月詔徵先生冢子瓚之子慎爲殿廷儀
禮司序班未幾復召介子璉除中書舍人上時休暇
輒命題試璉與慎而戒飭之上笑語先生曰朕爲卿
教子孫先生或奏事久稱倦上命璉慎共扶下殿祖
子孫三世皆官內廷當世以爲異事復以先生艱於
行步特詔皇太子選良馬以賜上親作馬歌復詔羣
臣咸作之以寵耀焉先生益感激不自寧常戒子孫
曰上德猶天地也將何以爲報獨有誠敬忠勤畧可

卷二

宋學士集附錄

美

退補齋
藏板

自効萬一耳上以先生年且至不可煩以事十一日
有致政之詔乃加贈先生之父侍郎爲嘉議大夫禮
部尚書母德人爲淑人祖德政贈亞中大夫太常少
卿祖妣金氏贈淑人夫人賈氏封亦如之先生及二
代誥辭皆上所親製天下榮之誥辭中稱先生德量
之弘如千頃波澄之不清撓之不濁人以爲上知人
之明云先生行既有期上眷念尤深曰卿去何時復
來見朕乎幸相侍數日姑徐徐行由是朝夕左右者
累月時詔許言事朝臣有上疏萬餘言者上聽厭其

廷行怒欲罪之以問羣臣有阿意者指其疏曰此不敬此詆謗罪當誅上答之而罷怒未解召先生先生曰彼應詔上疏其心耳烏可深罪乎上默然已而上覽疏中有足采者召阿意者罵曰吾怒時若等不能諫乃激吾誅之何異以膏沃火向非宋景濂之言幾不誤罪言者耶上嘗廷譽先生曰古之人太上爲聖其次爲賢其次爲君子若宋景濂者事朕十有九年而未嘗有一言之僞誚一人之短寵辱不驚始終無異其誠所謂君子人乎匪止君子抑可謂之賢者矣

卷二

宋學士集附錄

毛

退補齋藏板

在廷之臣皆以爲信然十年二月先生遂辭歸瀕行賜紙幣文綺及御製文集皇太子贈以衣三襲上諭曰朕最慎於賞予嘉卿忠誠可貫金石故以是賜卿卿今年幾何矣先生曰六十有八上曰藏此綺俟三十二年後作百歲衣也先生叩首謝上復屬曰大江漲不可舟卿宜循內河達家庶幾無虞仍俾慎護先生行先生至家卽拜表遣慎詣闕稱謝仍上箋皇太子申明正心治國之要上賜詔褒答大旨謂先生忠良之臣勳業旣著文章必傳功成身退惟先生獨

全初先生將辭請歲一來朝是年九月朔先生送入朝越十又四日見於端門上佇想已久廷問累矣及見大喜加勞再三皇太子諸王皆驩動顏色越翌日下降敕符遣儀曹奉醪膳諸物抵寓館以賜自是日侍上遊歷觀闕盤旋禁禦詢諮備至便殿侍食日晏始退恩禮之優羣臣莫敢望上嘗喟然嘆曰純臣哉爾濂純臣哉爾濂方今外國皆知卿名卿其自愛先生避謝不敢當凡所陳論皆古之格言朝廷百官惟恐不留先生下至寺人衛卒見先生至皆以手加額

卷一

宋學士集附錄

五

退補齋藏板

相推排迎拜恐不得先覩先生留朝七旬餘上重先生還而難言之先生以歲暮力辭還復遣中貴人賜上尊至於道所經行皆上爲先生指畫聖心惓惓愈加於昔及先生旣行數日上問璫曰爾父道中無恙否璫以安對未幾復謂璫曰朕疇昔之夜夢見爾父笑談如曩時爾父雖去其容儀儼然在朕目中也璫叩頭謝曰非陛下垂念臣父之至何以形諸夢寐中書舍人史靖可太子正字桂彥良等皆爲詩歌以紀之上之眷重先生不忘如此先生德尊而不居位

顯而彌恭既司制作之柄造門求文之士先後相繼
遠邦朝貢者數問先生安否日本得潛溪集刻板國
中高句麗安南使者至購先生文集不啻拱璧而先
生翦然自持似不能言者遇人拜雖三尺童子必誦
膝而首下焉至於公侯貴人則未嘗降下曾不識其
門何向朝廷有大議闡問引古今辯說不少有所回
性命之理晚而益究其極外物之往來視之若不相
干嘗曰古人之爲學使心正身修措之行事俯仰無
愧而已繁辭複說道之蔽也先生作事不尙表襮務

卷一

宋學士集附錄

五

退補齋
藏板

合乎義教人皆隨其質而導之使人於善尤篤於倫
品處父子兄弟夫婦之間者皆可爲法與人交和易
任真無鈎距縱爲所紿亦弗與較臨財廉非其分不
取大書於門曰寧可忍餓而死不可苟利而生君子
以爲名言權要及有力者苟非其人雖置金滿囊求
一字不肯與縱不得已與之亦不受其餽謝日本使
奉敕請文以百金爲獻先生卻不受上以問先生先
生對曰天朝侍從之官而受小國金非所以崇國體
也上深然之貧賤人情有可哀欲發潛振幽卽欣然

爲之先生四持文衡試天下士得人爲多接引後學
惟恐弗及遠方來者授館而飲食之雖久不衰有小
善必衆譽之色溫氣和近其側者如大寒之加重裘
盛暑之濯清風也天下之能文者多經先生指授朝
廷英俊咸以先生爲法初奉敕教文華生數十輩至
是出參大政爲御史知列郡者相望四方士得一見
先生夸於人以爲幸承一言之賜者人輒改觀視之
不敢與齒士大夫言當世有德者必曰先生而天下
之人識與不識無賢愚咸推爲先生大人長者及先

卷二

宋學士集附錄

卒

退補齋
藏板

生之歸上面發後學無師之嘆蓋先生之道內誠外
恕一出於正發之也當而行之也安故上下信服若
是云雖已貴顯平居布衣疏食無異貧士先生細目
美髯狀貌豐厚不爲奇異行以求過於人不事生產
不置田宅或勸爲子孫計先生曰富貴豈一家物哉
吾乃所以遺之也先生惟刻意於學自少至老未嘗
一時去書不觀及致政歸青蘿山闢一室曰靜軒終
日閉戶纂述人不見其面戒子孫毋至城市姻連有
以郡縣事爲託者皆峻謝之或談及時事輒引去不

與語切於仁愛聞民有困乏者爲之不飽先生視近甚明夜燃燈於几臥絺帷中閱蠅頭小書一黍上能作十餘字皆可辨點畫人以爲先生不飲酒寡嗜欲所致豈或然歟先生所著文有潛溪集四十卷芝園集五卷龍門子三卷浦陽人物記二卷已傳於學者翰苑集四十卷芝園集歸田已後所著計四十卷十三年冬先生孫慎以罪被刑舉家當寘重辟上念先生特降赦安置茂州十四年五月二十日先生以疾卒於夔府臨歿端坐斂手而逝當是時夔之府守官

卷二

宋學士集附錄

空

退補齋藏板

吏皆來賻贈哭奠葬先生於夔府之西蓮華池山下其經紀喪葬刻石表墓者則知事葉以從也先生生於至大庚戌十月十二日享年七十有二娶賈氏名專字主敬賢而有德爲女婦師前先生一年卒葬青蘿山子男二長瓚次璉有文行精篆隸直草四體書女二長適金華賈林次適義門鄭林孫男慎愷恂懔愠嗚呼楷自垂髫時嘗侍先公貞孝府君拜先生於床下先生不以童子無知卽辱進而教之親承化育於茲有年矣第懼才質凡庸學如望洋有孤父師之

教今聞先生謝世長慟莫知所從竊念先生道德文章固以顯著於當世其出處遭逢行事之盛世系遷徙生卒歲月之詳尙恐人未盡知爰敢哀取翰林待制王公禕先伯父太常博士諱濤君舊著小傳及同門友某某所作歷官記輯爲行狀一通俟請當代立言君子著爲碑銘表諸墓隧庶幾他日太常國史有所採擇焉

雜文

送宋景濂入仙華山爲道士序 戴良

卷二

宋學士集附錄

奎

退補齋藏板

金華宋景濂先生通古今學有史氏長材當至正中嘗以翰林國史院編修官徵之固辭不起後竟寄迹老子法中入仙華山爲道士一日良從而訊之乃曰昔人有以紳笏爲柴柵聲名爲韉鎖者余豈爲是過激哉顧將順性而動各趨所安耳余之所安乃在於山林而不在於朝市使其以此而易彼有大不可者一決不能者四余聞居人倫必以禮處官府必以法然自閑散以來嬾慢成癖嬾則與禮相違慢則與法相背違禮背法世教之所不容大不可者此也又心

不耐事且憚作勞酬答少頃必熟睡盡日神乃可復而當官事叢雜與夫造請迎將之不置一不能也嘯歌林野或立或行起居無時惟意之適而欲拘之以佩服守之以卒吏使不得自縱二不能也凝坐移時病如束溼一飯之久必四三起當賓客滿座儼如木偶俾不得動搖三不能也素不善作字舉筆就簡重若山岳而往返書札動盈几案四不能也以一不可之性而重之以四不能自度卒難於用世故舍之而遁又聞道士遺言吐納修養可使久壽故卽其師而

卷一

宋學士集附錄

奎

退補齋藏板

問焉雖然世之賢士大夫聞余之有是行也必並起而嘲之子知我者何不贈之以言使有以解彼之嘲而且以卒余之志也良應之曰夫君子之出以行道也其處以存道也而其所以爲道者蓋或施之於功業或見之於文章雖歷千百載而不朽垂數十世而彌存若是而爲壽可也苟不其然顧欲潔身隱退逃棄人間而苟焉以圖壽爲道是固老子之所謂道而非吾之道也吾之所謂道者乃堯舜周孔之道也然堯舜周孔得聖人之用者也老子得聖人之晦者也

於出也則吾用於處也則吾晦而是道之變化詎有異耶故生以春陽殺以秋陰先生功也舒爲雲霞祭爲日星先生文也功而不宰文而化成先生道也道在是則壽在是矣夫豈苟焉而已哉昔賀知章辭秘書之職請爲道士於剡川陳圖南不應時君之召入嵩山爲道士是皆有慕聖道之晦而寄迹於老子者也先生豈聞二人之風而興起者耶然二人之在當時賢士大夫未聞有非之者則先生是行又孰得而議之且一榮辱齊毀譽先生之爲道然也亦豈有假

卷一

宋學士集附錄

齋

退補齋
藏板

於余言哉亦豈有假於余言哉先生名濂其字景濂今易其名曰元貞子署其號曰仙華道士云

謝太史公

方孝孺

數十年來師弟子道廢鮮有推所得引人之事執事探索古初根據仁義汲汲以誘拔後輩爲職雖樗朴不才如某者亦收之于門而告以斯道恩意懇篤撫勞不倦待之踰於子姓而進之以聖賢所務此今世之所未聞而古或有之者也某辭歸省又辱教之以言引譽過侈期望深遠今於別來旬月間延領西眺

戚然懷戀不能自喻某少頗自負長而無成自入執事之門然後得窺見聖賢堂序粗識修已經世之尖端僭不量力每有所稱說聞者未深曉多相怪駭獨執事見之以爲當然咨賞嘆息喜溢顏面某所以忘其卑賤旅寓無聊之情而有以自樂也夫人之相與處必心相安而後可久居庸眾人之間悶悶然無與語雖享之以八珍之味九韶之音不能安而留也執事於義則師也知己也於恩則拔之於恆人之中而感之也某宜何如哉然執事之知愛於至愚者非和

卷一

宋學士集附錄

奎

退補齋藏板

某也蓋閔斯道之不振矜得其人而明之也某之感執事也亦豈敢致私德於執事乎竭其鶩鈍務學之成他日萬之一有補於斯世使將來有述焉則庶乎不負執事之所望耳是亦難言道之不行於斯蓋甚久古之人家焉而長幼序鄉焉而倫理飭皆由躬行素積見信於人而然鄙心思慕之竊自惟宗族數十家其初本於一人而今猶或有不齊者思立爲輯睦之法以洽其情欲爲祠於冬至祀始遷祖而族人各以其祖耐食祭畢而會飲族之最長者以禮義陳訓

舉族之人皆拱而聽每月之吉一會拜畢則訓如冬
至之儀族之人有善則書之而加禮貌焉有不善亦
書之而加教誡焉立之學以教族人之子弟爲置田
以食其不能生者族殆可使親睦貧不足以興事人
雖有聽者亦未并志一力以冀其成又寧海自宋羅
正之以來有探道德勤問學者其在當時勵名節立
行義莫不殫一世之心志以冀發聞於後世而紀載
之籍不立遂使湮廢不大光顯邑人多不知其姓名
斯甚可恨欲成一書分析數目使幽暗者昭章阨窮

卷二

宋學士集附錄

奏

退補齋
藏板

者昌顯嘉名積行者獲知已於後僥倖苟得之徒知
公議之所存用爲勸懲存乎風化而朋友寡少無從
得其事實雖懇切言之好事者竟未復報此二端皆
細事度其勢不甚難行其爲法可不求諸人而備而
成之不易也如此況推明先正之道於天下其可易
言哉然人恆慮志不足苟有志不有遇於時將有垂
於後不有合於人將有合於天安知今人之非古乎
哉安知古之果異於今人乎哉而某奚敢讓焉近亦
有人說執事賜教之言以歐陽氏蘇氏以下見斯爲

過某聞之不應而笑笑而默然竟不問其主名流俗人省事者少滄于髡鄙薄孟子桓譚輕楊子雲容貌不傳其書此大儒賢人猶若此况淺闇小子見諂於不知者亦又何疑所兢兢者恐傷執事之明耳某妄志殆未可遽以辭盡其大者將宏廓敷揚其所傳於世俾人得樂生達理其次亦將整齊周公孔子之成法爲來今准下此猶當著一書據所蘊蓄補藝文之遺缺續斯道於無極豈止與諸子競銖兩毫未於文藝之籍哉執事之取某者必以此某之報執事亦在

卷一

宋學士集附錄

奎

退補齋藏板

此兒曹愚人何足以知之其見疑者固其理耳屈原曰邑犬羣吠吠所怪也犬見市井衣服持任而至者多卧不起視使服三代之衣珮鳴玉冠進賢之冠揖讓而進犬必驚駭以吠信信不已此非有他也見所未嘗見心誠怪之而然三代被服豈願信信者之愛惡哉其所取則有在其所操守有常其所口有時豈務流俗之合乎傳記所述下和伯牙事皆戰國人急於見售者之言和之智不足稱而伯牙亦甚可怪君子之爲貴乎得於心而有以自樂何必人之知使舉

世之人皆非子期牙之琴將不鼓乎何自待之輕而取於外之重也惟楊子雲頗解事然亦未達乎理子雲謂後必有楊子雲必好已書其心雖不求合當世而終未能忘乎名也由君子言之所爲果有益於世而世不知貴其恥在人吾何與焉苟期後世之知而著書則狹矣某竊有見乎古人處己之大方自待頗不薄日坐靜室未嘗樂人談有相過問者可語語之不可語辭讓而已見唾見善皆不及知自謂可寡過大母年雖高而康強飲噉如六七十人侍奉粗適諸父諸兄足事以養明春之期不敢後時離左右遠思如曩時朝夕面言不可得特見愛見知輒吐狂談不覺繁多

多遺誤

祭文

弋陽黃溥澄濟

維景泰七年三月■日四川等處提刑按察司按察

使黃溥等謹以牲醴之儀敢昭告於故翰林學士承

旨嘉議大夫潛溪先生朱公之墓曰嗚呼先生鍾天

地之間氣生文獻之名邦性分之稟旣粹進修之力

益強六籍淹貫義理精詳沂濂洛之源委窺孔孟之

卷一

宋學士集附錄

矣

退補齋藏板

宮墻文起千古才具衆長如唐之韓柳如漢之班揚
雖雲漢昭回不足以喻其光明俊偉雖渤海深廣不
足以喻其浩瀚汪洋初丁元運之否則抱道不售猶
玉之韞櫝珠之淵藏晚際天朝之興則明良契合如
魚之得水鳳之鳴陽石渠延閣金馬玉堂乃師帝胄
乃教國庠聳後學之山斗揭斯文之領綱禮樂資之
以制作治道賴之以贊襄嘉謀大猷之獻納金滕玉
冊之鋪張勒之彝鼎而昭示萬世宣之詔敕而撫諭
四方卓彼朝廷柱石展也吾道棟梁致一門之榮盛

卷一

宋學士集附錄

究

退補齋
藏板

喜恩數之非常胡貝錦之騰誦迺安置於遐荒抵中
道而疾作遂易簣於瞿塘荷賢王之眷念得遷葬於
華陽嗚呼使先生之不死安知不召司馬於洛下歸
賈傳於沅湘何蒼天之不遺欲上叩而茫茫信死生
之有定惟哲人之順常諱曰已矣死者不可復作所
貴有不死者之流芳文足以垂教德足以遺慶道傳
世而不泯名垂後而彌彰嗚呼先生是豈真亡我等
晚生不親模範企想餘光詢謫居而岑寂慨孤塚之
荒涼弔英靈於冥漠寓情愴於椒漿不亡者存庶幾

來享

祭文

羊城陳璉

維宣德二年四月日四川等處提刑按察司按察

使陳璉謹以牲醴之儀致祭於前翰林學士承旨潛

溪宋公之墓曰古稱金華文獻之邦山川淑氣篤生

才良匪著名於道學則馳譽於詞章繼後作者吳柳

與黃絜維我公毓秀其鄉早嘗從游聲譽亦彰矧天

分之既高而學力之富強博通羣籍考訂尤詳曾設

帳麟溪義塾復著書青蘿山房方元祉之將屋紛干

卷一

宋學士集附錄

字

退補齋藏板

戈之擾攘抱道弗售思以自藏當盛朝之龍興適文

運之聿昌應詔而起實際時康人皆爭先而快覩奚

翹如景星之與鳳凰受九重之眷遇拜恩命之非常

甫通籍於金閨遽進職於玉堂或侍講於經筵或典

教於國庠職司帝制則唐之陸贄總裁元史乃漢之

子長高文大冊之傳播弘辭奧論之敷敷粹然天資

之溫燦然列宿之朗譬猶米粟布帛人皆嗜愛良金

美玉時共寶藏匪但獨聞於中國而實盛傳於遐方

或擬諸昌黎韓子或方諸廬陵歐陽斯天下之公論

苟非公其孰能當胡爲山頽梁摧遽告弗祥一斥不復旅殞夔塘後遷葬於城東荷蜀國之獻王宰木已拱幾閱星霜於戲噫嘻孰其主張余欲詰之神理茫茫雖然公之高名足以永世公之雄文足以流芳將與天地同久是謂不亡璉生於海隅風仰聲光獲讀遺書景慕弗忘邇來西蜀叨長憲綱詢佳城之如故慨宿草之荒涼耿余心之悵望敬致奠於一觴惟英靈之不昧庶來格而來享

祭太史公八首

方孝孺

卷二

宋學士集附錄

七

退補齋藏板

丁巳之春公歸金華六月載途公歸于家公曰美哉子來孔時斯文有傳非子誰宜我觀海內亦有作者非言之難知道者寡古人爲學惟道是明絜我望子豈以文名拜公之言服公之德從公三年忘寢與食公曰卓哉才器之奇加以歲年吾且畏之孰俾師友傳之子孫意欲甥我以承其門歸告祖母祖母不可吾老娶婦欲其事我道路阻邈其歸無期且貴非偶汝固以辭此言未聞公家遭難聞之涕泣夜不能旦百口徙蜀與戎羌鄰重走金華謀公弟昆欲往省公

中以故止祖母速歸得娶閭里遲之三載匪勉以從
死生莫知以此負公公之爲教必本禮義違親絕俗
固非公意公今薨矣我存何如所肯忘公有如江河
公之道德未白于世公之文章幾與公逝思公體貌
尙寓于夔哀公子孫桑梓是懷闡之雪之俾大以光
導之扶之使之大行告于天王返葬以禮脫其羈縻
使復田里或周其糴或開其昏凡力可爲不忘公恩
第愚不肖弗敏爲學天容地負愧公奧博忠義大節
道德大原庶幾努力法古聖賢公之望我蓋將在此
天未可期心則已矢公神在天亦我之思我辭告公
寧不我知

卷二

宋學士集附錄

五

退補齋
藏板

嗚呼九鼎大呂不足炊糜陳于郊廟可鎮華夷麒麟
騶虞不能服駕出于山藪可瑞天下盛德之士邦家
所毗潛功隱澤不見施爲方其在時眾或未識厭世
而去智者痛惜嗟吾先生全德邁倫盡性蹈道卓然
天民文傳海內世謂止此遺其梁肉貴其糠粃先生
所存我何敢知使享眉壽人必賴之今也旣亡民實
無祿寥寥聖道疇引疇續昔始懸車學者滿門意謂

小子可屬斯文歲月幾何忽十三年鈍拙無成實愧
于天簿宦山南地鄰西蜀遺孤萬里傷我心目身拘
職業詎曰能來獲奠一觴豈非天哉道之廢興允匪
人爲曷以爲報不負所期

士不知道以勢爲榮天貴不存寵辱易驚卓哉先生
洞鑒千古駕雲乘風與造物伍聖主庸之掌制玉堂
匪公之華邦家之光羣言讒之置于巴蜀匪公之尤
民之無祿正襟談笑瞑目伸眉浩然無愧處險若夷
貴賤去來靡貳靡忒孰能與偕忠信之積惟公忠信

卷一

宋學士集附錄

三

退補齋
藏板

海內所稀謗與身亡德爲世師顧念小子寡聞不肖
茲粗有知實公之教繫官山南今且八年公墓在夔
欲往莫前友生南歸舟過墓下遣致一奠省視松檟
大江滔滔惟海是宗我心所懷曷有其窮嗚呼哀哉
尚享

嗚呼我年十五始誦公文厥後五年登公之門公實
天人遊戲世俗批糠死生談笑榮辱利祿刑禍不入
於懷獨憂斯道未見英才聞人一能欣喜動色晚遇
小子自賀有得致政蘿山館置于家細折密微大包

幽遐庸言極論莫匪正學翼孟宗韓沿洙遵洛筆瓢
陋室若飶萬鍾訓物刑家惟孝惟忠天作奇殃去鄉
往蜀萬里西行怡然瞑目當始戒途告我以書勉以
道學爲君子儒慟哭山中忽復十年思公之心上通
乎天一官蜀口蓋亦天意承乏校文私情幸遂公墓
于夔拜謁靡遑孀孤滿目興我慨傷收恤教養後死
之責祿薄力微有願未獲公之屬望夫豈爲身將繼
斯道以開後人雖愚無能志尙未已報公之德庶或
在此大江流東卒與海通公神在天曷曰其逢

公卷一

宋學士集附錄

岳

退補齋
藏板

公之量可以包天下而天下不能容公之一身公之
識可以鑑一世而舉世不能知公之爲人道可以陶
冶造化而不獲終於正寢德可以涵濡萬類而不獲
蓋其後昆其所有者皆眾人之所難勉而未嘗自以
爲足其所遇者皆眾人之所難處則快然委命而不
置乎戚欣此公之所以跨越前古拔彙超倫控宇宙
而獨立後天地而長存者乎世烏足以知之徒傳誦
其雄文執其詞者惑其意得其似者失其真彼好慕
者且若此又何怪乎臧倉與叔孫宜夫公之厭斯世

而不居甘遠跡於峨岷蓋將弔重華於九疑唁屈子於江濱而不忍汙乎流俗之埃塵也然則公固以死生榮辱爲夢幻得失毀譽爲浮雲六合之內孰非其第宅薦紳之士皆若其曾玄尙何窮達之足云乎吾獨悲歎而不止者上以憂乎斯道下以憫乎斯民愧受恩而未報懼來者之無聞嗚呼哀哉公其舍此而安之豈其與形俱逝與物同泯乎吾猶彷彿見公騎風馭氣鞭日月而叱星辰遨遊乎崑崙之野出入乎無窮之門是蓋處乎世者止七十有三年而不死者

卷二

宋學士集附錄

墓

退補齋藏板

不知其幾千萬春其遇乎人者雖若艱危而可痛而樂乎天者不可數計而具陳而吾猶嗷嗷哭于山巔與水濱是皆公之所笑而奚能酬教育之厚恩嗚呼哀哉列泰華以爲聲注滄海以爲尊吾知公之不我顧而庶幾可以報公者習其所聞以求不負乎明訓行其所以冀有益於黎元酌皇天與后土尙同鑒乎斯言

嗚呼務遇合者或貴顯以終身而爲天下之所惡負大名者多困阨於一時而爲後世之所慕蓋利與善

不可得而兼而公論必久而後定故也考乎公之平生道德冠縉紳而位與眾人同列文章耀夷夏而家無百金之富卒之速譏遇斥奔走顛沛而死於道路孰不尤聲譽之不祥而取造物之怪怒哉然身既沒而人主之知愈深家既破而子孫之守益固是以親王之賢覽遺文而歎息懷舊學而眷顧詢形容於圖像想儀矩於趨步已賜賚乎孤嫠復閱悼其墳墓爲王謀者惜公厭世之太早爲公悲者恨王至蜀之遲暮也夫盛衰禍福之理聖賢有所不能違惟其既死

卷一

宋學士集附錄

其

退補齋藏板

而猶存愈遠而見思茲君子所以異乎眾人不啻若麒麟之於狐兔也某學道無聞受業有素仰德容之如在嗟歲華之易度兩瞻岷峨濫跡鴟鷺受緣丈人之烏術等千金之瓠惟嘉聲與清醕皆賜物而匪沽上以昭乎厚恩下以寓乎哀悵

鳳飛赤霄百鳥朝之或集于枯鶡雀嘲之蛟龍天遊雷雨九土一或泥蟠蛙蚓獻侮古之賢豪身居廟堂耄俛稽首望其餘光一朝失勢遭讒遇斥羣兒樂禍謗毀山積惟太史公間世之英國之蒼龜人之典刑

洪武初載光膺天寵名聞夷夏內外風動衣冠如雲
趨拜于門有得一言寶若瓊璠不幸西遷瞑目江澗
麟蹈而亡羣犬交吠物之見怪以異於常眾人不知
吾道乃光賴茲賢王誠明濬哲興懷先正追悼黃髮
意欲起公論過規失每觀遺文軫卹癸獨惟君知臣
惟賢知德王言旣出讒如自息公之名績終古不磨
鬼燐紛紛如日月何小子無能蚤承教育不鄙其愚
千載是託歲月遄邁忽二十年志大無成懼辱公門
俗論之悲夫豈待辨九原聞之當笑其褊青城轟天
羣僊所都公神不亡其在茲乎

卷二

宋學士集附錄

老

退補齋
藏板

嗚呼盛衰得喪之際孰非天哉榮辱出於一時者雖
有幸與不幸而是非之公原於天道者終不可以勢
屈而利回當變故之初興先生恬然委順於長江之
浹荒城之隈雖孺童與牧婦亦爲掩涕而徘徊意謂
平生之德業將與祿位而俱頽孰知雲收雨霽星斗
之光有若洪瀾怒濤擊撞鼓盪而不能損砥柱之崔
嵬今則文辭大行於天下而聖主爲之追念子孫篤
守其遺緒而賢士爲之興哀賜之粟帛而遺孤有賴

慕其風采而尚疑其遊戲於瀛洲與蓬萊伸於既屈之餘也尚若此而況千載之後公論既定其卓絕光著又何如哉然則先生於天可以無憾而吾徒小子所以惓惓如有失者恐上無以衛翼於斯道而下無以啓迪於將來茲者自蜀告歸爲位一尊吾之不見先生也久矣庶幾翩然下臨掀然微笑猶彷彿想像乎盛德與雄才嗚呼哀哉尙享

翰林學士承旨宋公改葬祭文 無名氏

斯文之傳世越千載如一日道德之感人曠百世而

卷二

宋學士集附錄

夫

退補齋藏板

相契如日麗天如水行地自古仁賢君子凡其經歷之所宦遊之處一遺迹與故趾咸緬懷而仰企況祠墓之所在能不繕修而葺治仰惟潛溪先生海岳鍾靈貞元間氣一代人豪百世偉士昔在勝國益事韜闕著書龍門優游卒歲道人我朝風雲慶會翊高皇以興運肇海宇之文治輔青宮以授經登玉堂以掌制子史羣經其學之邃景星卿雲其文之著追昌黎以齊驅並廬陵而無媿處則如虎豹之在山出則類麟鳳之瑞世此先哲之格言實士林之公議夫何末

路崎嶇夔門流寓倏瞬息之百年慨淒涼之墓隧樵
牧踐毀秦莽蔽翳荷睿恩之崇儒卜吉壤以改瘞蓉
城之東山明水麗馬鬣峨峨千載之計某等欽承上
命泣止於蜀拜謁墓前敬陳一祭靈爽不昧洋洋是
覬尙饗

翰林學士承旨宋公祠堂祭文 無名氏

天啓文明哲人挺生瞻依日月際會風雲卓哉先生
扶輿毓秀海岳鍾靈昔在勝國肥遯山林遭逢明主
撫運而興玉堂掌制青宮授經贊襄治化藻飾太平

卷一

宋學士集附錄

五

退補齋
藏板

開國碩輔佐命元勳文傳天下德備一身其德之粹
威鳳祥麟其文之麗景星卿雲間闕末路飄泊風塵
寒烟白草百歲荒墳道德感人無古無今卜壤改宅
仰荷睿恩巍峩梵刹撤毀弗存改建祠堂煥乎一新
屏斥異教崇重斯文山川增重草木光榮某等夙慕
道德薄翼敬陳洋洋如在來格來歆尙饗

翰林學士承旨宋公改葬墓誌

翰林學士承旨金華宋公景濂洪武十四年辛酉五
月二十日以疾卒於夔門春秋七十有二旅葬夔之

蓮花峰下於時經紀喪事則門生夔府知事武義桑
以時護視墳塋則鄉友嚴陵余公文後三十三年爲
永樂癸巳蜀獻王殿下念公舊學特給路費賜葬具
以是年十二月二十七日遷葬於成都府華陽縣安
養鄉之原遣左長史明善洎文武卿士祭於墓所復
賜田以供祀事遷後又七十有二年爲成化乙巳今
賢王殿下仰思太祖眷注之隆慕公道德之盛因閱
御賜書誥敕符詩歌等文益加崇重以舊塋土脉淺
薄歲久崩圯無以稱宗祖崇儒重道之意惕然興懷

卷一

宋學士集附錄

平

退補齋
藏板

躬臨墳所賜詩致祭錫賚其子孫有加仍命擇地改
葬以圖永久承奉宋君璟舊塋淨居寺在錦城迎暉
門外山水環抱土壤佳美特啓讓其地而窆焉乃是
年十二月十三日也尋廢其寺建祠堂以奉公像而
棲神有所樹碑碣以紀勳庸而昭德無窮何其盛哉
先是巡撫都憲池陽孫君嘗復祭田見侵者若干贖
其後矣已而巡按監察御史新昌俞君振才按察使
貴溪周君鼐又相與圖所以爲表揚光大者惓惓弗
已道德之感人心曠百世而如一日如此哉嗚呼公

博極羣書名滿天下道德文章固已衣被當時而傳播國史矣其出處遭逢行事之盛與夫世系遷徙生卒歲月之詳又具載門人義門鄭君楷所撰行狀墓誌及翰林待制王公禕太常博士鄭君濤所著傳記矣奚竢璋後生小子之贅言哉第念璋忝同鄉邑茲又宦游於蜀故敢僭書此以識改葬歲月云爾四川提刑按察司提督學校僉事金華潘璋撰

重闢宋文憲公元配曹淑人墓禁步暨封介嗣

中書舍人宋仲珩藏地碑

卷一

宋學士集附錄

全

退浦齋藏板

青蘿之山距浦陽城三十里而近厥山岬崦不能與嵩華恒霍偶大然天下知有青蘿者以我學士文憲宋公景濂幼時力學其上地物之名從主人重云公應幣聘起山間刻侍從上恒稱爲先生論道上前其大者若論黃石三畧公颺言勸上垂心典謨上語賞賚公颺言天下以人心爲本人心得何憂乎帑竭上觀穫公颺言惟后克知稼穡艱難念茲下民惟后德盛懋民有其天凡厥獻替咸若虞廷有都有俞有吁有咈天下旣底定凡郊壇太廟山川祠祀樂律星歷

遠邦貢齋諸禮文大政咸咨公贊裁授經太子蹈矩履繩太子莊事公惟謹廷臣視公若孟有型海外荒服重譯來必詢公安否薄海兒髦人人知有宋學士乃公對揚太祖時颺言曰臣無他長祇祇威威維文墨議論以明以聽於我后推乃言維乃心念終始素業於學雖在輦轂其忘青蘿哉洪武十年公致政歸帝嘉公忠誠特賜緡綺誥封妻賈氏爲淑人推恩次子璉官中書歸三年淑人卒葬青蘿山麓冬公以孫累寘茂州明年捐館於夔永樂間移厝華陽今華陽

卷一

宋學士集附錄

全

退補齋藏板

古木豐碑堂寢楹桷巍然乃茲淑人一坏土草木斬苞蒙蔓弗治萬歷之季始有表之曰淑人墓者然四旁鞠爲耘蔬地雉兔窟叮嚀神魄罔妥伯淑人故烏傷民家女余宰烏傷習聞淑人於女克孝於婦克順公每曰余雖貧室人善佐余南陔養克諧余親余心載寧又曰孝哉室人賈也女中丁蘭也夫人霖雖不獲詳夫人行誼若所聞乃公言淑人君子哉其儀不忒維女而士會余攝行浦陽事旣表公祠已下令環夫人墓五畝勿耘蔬適有民甲訟於庭言民乙侵宋

中書墓壙地者粵稽乘中書善詩辭工書法太祖嘗
賜和厥詩至厥生歿文無徵召彼故老僉曰以茲土
名爲宋墓壙也傳疑中書冢云其體魄之藏與其諸
弓劍之藏與則未有聞知夫魂氣無不之也況於乃
妣之墓之側哉唯淑人孝於翁姑唯中書孝於淑人
松楸與與膝下依依中書之靈倘伴茲土若夫隨母
矧文憲公聰明正直神陟於天亦游於虛青蘿起家
地亮爲厥靈明所棲妥淑人也乃克妥公妥中書也
公乃克妥矣宋墓壙凡三畝七分余捐俸錢七千贖

卷二

宋學士集附錄

全

退補齋
藏板

歸宋氏累土而高封之爲之碑曰嗚呼有明宋文憲
公介嗣中書中珩之藏地嗚呼自今以始行者必肅
乘者必軾樵者勿翦其宋氏之攝衣冠奉文憲祀者
歲時敬謁大夫邦人必恭敬止永言保之庸妥我文
憲公與淑人與中書之神庸對揚我太祖優禮我公
休命宰臣司婺勒銘庸護銘曰蘿施於柏厥青澤澤
乃妣焉降乃考焉陟吁嗟中書安此宅爍孝忠哉師
象則崇禎己卯仲冬望日進賢熊人霖拜手撰

